



স্মারক নং: পিসিবি/২০২৫-২৯৮

তারিখ: ০২ চৈত্র ১৪৩১ বঙ্গাব্দ  
১৬ মার্চ ২০২৫ খ্রিস্টাব্দ

প্রজ্ঞাপন

**সরকারি/বেসরকারি বিশ্ববিদ্যালয়ে বি. ফার্ম কোর্সের অভিস্বীকৃতি (Accreditation)  
ও শিক্ষার্থী ভর্তি নীতিমালা, ২০২৫**

**১.০ সংক্ষিপ্ত শিরোনাম ও প্রবর্তন:**

- ১.১ এ নীতিমালা 'সরকারি/বেসরকারি বিশ্ববিদ্যালয়ে বি. ফার্ম কোর্সের অভিস্বীকৃতি (Accreditation) ও শিক্ষার্থী ভর্তি নীতিমালা, ২০২৫' নামে অভিহিত হবে।
- ১.২ বাংলাদেশ ফার্মেসী কাউন্সিল (পিসিবি) কর্তৃক প্রণীত ও অনুমোদিত এ নীতিমালা বাংলাদেশের সকল সরকারি/বেসরকারি বিশ্ববিদ্যালয়ে বি. ফার্ম কোর্সের অভিস্বীকৃতি (Accreditation) প্রদানের ক্ষেত্রে কার্যকর হবে।

**২.০ কারিকুলাম ও ইন্টার্নশিপ:**

- ২.১ ফার্মেসি শিক্ষাকে যুগোপযোগী করার লক্ষ্যে বি. ফার্ম কোর্স কারিকুলাম প্রণয়ন করতে হবে। ০৪ (চার) বছর মেয়াদী বি.ফার্ম কোর্সের ক্ষেত্রে সর্বোচ্চ ১৬০ (একশত ষাট) ক্রেডিট হবে; তন্মধ্যে মূল (Core) কোর্স ১৪০ (একশত চল্লিশ) ক্রেডিটের কম হবে না।
- ২.২ কারিকুলামে নন-ফার্মেসি বিষয় হিসেবে ইংরেজি, বাংলাদেশ বিষয়াবলী, সামাজিক বিজ্ঞান, কম্পিউটার বিজ্ঞান, গণিত ও পরিসংখ্যান অন্তর্ভুক্ত করা যাবে।
- ২.৩ সকল সরকারি ও বেসরকারি বিশ্ববিদ্যালয়ের প্রণীত কারিকুলাম বাংলাদেশ ফার্মেসী কাউন্সিল কর্তৃক অনুমোদিত হতে হবে। ফার্মেসী কাউন্সিলের অনুমোদন সাপেক্ষে অতিরিক্ত নির্বাচনী বিষয় অন্তর্ভুক্ত করা যাবে।
- ২.৪ ঔষধ উৎপাদনকারী প্রতিষ্ঠান এবং হাসপাতাল/মডেল ফার্মেসি উভয় প্রতিষ্ঠানে ইন্টার্নশিপ করতে হবে। ইন্টার্নশিপের মেয়াদ ন্যূনতম ০১ (এক) মাস হবে, তবে কোন প্রতিষ্ঠানে ০৭ (সাত) দিনের কম হবে না।

**৩.০ কোর্সের মেয়াদ:**

- ৩.১ সাধারণত বি. ফার্ম কোর্সের মেয়াদ হবে ০৪ (চার) বছর।
- ৩.২ বছরে একটি শিক্ষাবর্ষ থাকবে। ক্ষেত্রবিশেষে, প্রতি শিক্ষাবর্ষে জানুয়ারি-জুন ও জুলাই-ডিসেম্বর এ দুটি সেমিস্টার থাকবে।

**৪.০ শিক্ষকবৃন্দ:**

- ৪.১ ন্যূনতম ০৪ (চার) জন পূর্ণকালীন শিক্ষক নিয়োগের মাধ্যমে ফার্মেসি বিভাগ চালু করতে হবে। তাঁদের মধ্যে ০১ (এক) জন অধ্যাপক বা সহযোগী অধ্যাপক হতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

- ৪.২ ফার্মেসি বিভাগের চেয়ারম্যান/বিভাগীয় প্রধানকে অবশ্যই স্বীকৃত বিশ্ববিদ্যালয় থেকে ফার্মেসি বিষয়ে স্নাতক ও স্নাতকোত্তর ডিগ্রিধারী এবং বাংলাদেশ ফার্মেসী কাউন্সিল কর্তৃক 'এ' ক্যাটাগরিতে নিবন্ধিত ফার্মাসিস্ট হতে হবে। অধ্যাপক বা সহযোগী অধ্যাপক হিসেবে স্বীকৃত বিশ্ববিদ্যালয়ে ফার্মেসি বিভাগে ন্যূনতম ০৭ (সাত) বছরের শিক্ষকতার/গবেষণার অভিজ্ঞতা থাকতে হবে।
- ৪.৩ ফার্মেসির বিষয়সমূহ পাঠদানের জন্য নিযুক্ত শিক্ষককে অবশ্যই ফার্মেসি বিষয়ে স্নাতক ও স্নাতকোত্তর ডিগ্রিধারী হতে হবে।
- ৪.৪ অধ্যাপক, সহযোগী অধ্যাপক, সহকারী অধ্যাপক ও প্রভাষকের সংখ্যার অনুপাত হবে ১:২:৪:১২।
- ৪.৫ শিক্ষক ও শিক্ষার্থীর অনুপাত হবে ১:১৫।
- ৪.৬ শিক্ষকতা সহকারী/গবেষণা সহকারী শিক্ষক হিসেবে বিবেচিত হবে না।
- ৫.০ খণ্ডকালীন শিক্ষক:
  - ৫.১ ফার্মেসি বিভাগে খণ্ডকালীন শিক্ষক সংখ্যা পূর্ণকালীন শিক্ষক সংখ্যার শতকরা ২৫ (পঁচিশ) এর অধিক হবে না।
  - ৫.২ খণ্ডকালীন শিক্ষকদের নিয়োগ ও যোগ্যতা বাংলাদেশ বিশ্ববিদ্যালয় মঞ্জুরী কমিশন/ বাংলাদেশ ফার্মেসী কাউন্সিল এর বিধি অনুযায়ী হতে হবে।
- ৬.০ শিক্ষকতার অভিজ্ঞতাবিহীন শিক্ষকবৃন্দ:
  - ৬.১ শিক্ষকতার সাথে সম্পৃক্ত নন কিন্তু ফার্মাসিউটিক্যাল সেক্টরে অভিজ্ঞতাসম্পন্ন ব্যক্তি পূর্ণকালীন বা খণ্ডকালীন শিক্ষক হিসেবে নিযুক্ত হতে পারবেন। সেক্ষেত্রে তাদের নিম্নোক্ত অভিজ্ঞতা আবশ্যিক।
    - ৬.১.১. বাংলাদেশ ফার্মেসী কাউন্সিল কর্তৃক অস্বীকৃত বিশ্ববিদ্যালয় থেকে ফার্মেসি বিষয়ে স্নাতক ও স্নাতকোত্তর ডিগ্রিধারী ও বাংলাদেশ ফার্মেসী কাউন্সিল কর্তৃক 'এ' ক্যাটাগরিতে নিবন্ধিত ফার্মাসিস্ট হতে হবে।
    - ৬.১.২. ফার্মাসিউটিক্যাল সেক্টর যেমনঃ ফার্মাসিউটিক্যাল কোম্পানী, গবেষণা প্রতিষ্ঠান, হসপিটাল ও কমিউনিটি ফার্মেসি, সংশ্লিষ্ট সরকারি ও স্বায়ত্তশাসিত প্রতিষ্ঠান বা সংস্থায় ০৭ (সাত) বছরের অভিজ্ঞতা।
৭. ফার্মেসি স্নাতক ব্যতীত শিক্ষকবৃন্দ:
  - ৭.১ ফিজিওলজি, প্যাথলজি, এনাটমি ও ডিজিজ ম্যানেজমেন্ট ইত্যাদি বিষয়ের জন্য মেডিক্যাল গ্র্যাজুয়েটদের খণ্ডকালীন শিক্ষক হিসেবে নিযুক্ত করা যাবে। এছাড়া নন-ফার্মেসি বিষয়সমূহের জন্য বাংলাদেশ বিশ্ববিদ্যালয় মঞ্জুরী কমিশনের নীতিমালা বজায় রেখে অন্য বিষয়ে স্নাতক ডিগ্রিধারীদের খণ্ডকালীন শিক্ষক হিসেবে নিযুক্ত করা যাবে।
- ৮.০ শিক্ষক নিয়োগ নীতিমালা: নিয়োগ বাংলাদেশ বিশ্ববিদ্যালয় মঞ্জুরী কমিশন/ বাংলাদেশ ফার্মেসী কাউন্সিল এর বিধি অনুযায়ী হতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

- ৮.২ ফার্মেসির বিষয়সমূহ পাঠদানের জন্য নিযুক্ত শিক্ষককে অবশ্যই বাংলাদেশ ফার্মেসী কাউন্সিল কর্তৃক 'এ' ক্যাটাগরিতে নিবন্ধিত ফার্মাসিস্ট হতে হবে।
- ৮.৩ বিদেশি শিক্ষকের ক্ষেত্রে বাংলাদেশ সরকারের সংশ্লিষ্ট মন্ত্রণালয়ের অনুমোদন থাকতে হবে এবং তার শিক্ষাগত যোগ্যতা বাংলাদেশ ফার্মেসী কাউন্সিল কর্তৃক মূল্যায়িত হতে হবে।
- ৯.০ পাঠদান পদ্ধতি:
- ৯.১ বাংলাদেশ ফার্মেসী কাউন্সিল কর্তৃক দূর-শিক্ষণ বা খণ্ডকালীন বি. ফার্ম কোর্স অনুমোদিত হবে না।
- ৯.২ তাত্ত্বিক ও ব্যবহারিক ক্লাসের পাশাপাশি পর্যাপ্ত কুইজ, এসাইনমেন্ট, প্রেজেন্টেশন ইত্যাদির ব্যবস্থা থাকতে হবে।
- ৯.৩ তাত্ত্বিক ও ব্যবহারিক ক্লাসে আধুনিক পাঠদান পদ্ধতির উপযোগী সুযোগ-সুবিধা থাকতে হবে।
- ৯.৪ আধুনিক যন্ত্রপাতি এবং প্রযুক্তির সমন্বয়ে শিক্ষার্থীদের পর্যাপ্ত ব্যবহারিক শিক্ষা প্রদান করতে হবে।
- ১০.০ পরীক্ষার নীতিমালা:
- ১০.১ লিখিত, মৌখিক ও ব্যবহারিক শিক্ষার উপরে ভিত্তি করে পরীক্ষাসমূহ গ্রহণ করতে হবে। শিক্ষার্থীর প্রকৃত মূল্যায়নের লক্ষ্যে চেয়ারম্যান/বিভাগীয় প্রধান বা তাঁর ক্ষমতাপ্রাপ্ত কোন শিক্ষক নিয়মিত পরীক্ষা ব্যতীতও অতিরিক্ত পরীক্ষার ব্যবস্থা করতে পারবেন।
- ১০.২ পরীক্ষার উপকরণ পরীক্ষা নিয়ন্ত্রক/ চেয়ারম্যান/বিভাগীয় প্রধান কর্তৃক পরবর্তী একাডেমিক সেশন আরম্ভ এবং আপিল আবেদন দাখিল ও চলমান অবস্থা পর্যন্ত সংরক্ষিত থাকবে।
- ১০.৩ নম্বর বন্টন:  
মিড-টার্ম ৩০%, টার্ম ফাইনাল ৫০%, কুইজ ১০%, এসাইনমেন্ট ও ক্লাস উপস্থিতি ১০%। কুইজ, এসাইনমেন্ট ও ক্লাস উপস্থিতির নম্বর সংশ্লিষ্ট শিক্ষক কর্তৃক প্রদান করতে হবে।
- ১০.৪ টার্ম ফাইনাল পরীক্ষায় পূর্ণাঙ্গ সিলেবাস অন্তর্ভুক্ত থাকবে।
- ১০.৫ পরীক্ষা সংক্রান্ত কার্যক্রম পরিচালনার জন্য একটি পরীক্ষা কমিটি থাকবে। প্রতিটি বর্ষ/সেমিস্টারের জন্য পৃথক পরীক্ষা কমিটি গঠন করতে হবে। বিভাগীয় একাডেমিক কমিটি কর্তৃক পরীক্ষা কমিটি গঠিত হবে এবং একজন বহিঃস্থ সদস্য অন্তর্ভুক্ত করতে হবে।
- ১০.৬ পরীক্ষার কমিটি হবে ০৪ (চার) সদস্য বিশিষ্ট, তাঁদের মধ্যে একজন সভাপতি ও ০২ (দুই) জন ফার্মেসি বিভাগের একাডেমিক কমিটি থেকে মনোনীত এবং ০১ (এক) জন বহিঃস্থ সদস্য। পরীক্ষা কমিটি একাডেমিক কমিটি কর্তৃক মনোনীত প্যানেল থেকে পরীক্ষক নির্বাচন করবেন। ফার্মেসি বিভাগের শিক্ষকবৃন্দ ও ফার্মেসি পেশার স্বনামধন্য ব্যক্তিবর্গ যাদের ফার্মেসি বিষয়ে ন্যূনতম স্নাতকোত্তর ডিগ্রি রয়েছে তাঁরা প্যানেলে অন্তর্ভুক্ত থাকবেন। প্রতিটি কোর্সের মিড-টার্ম পরীক্ষার উত্তরপত্র কোর্স শিক্ষক মূল্যায়ন করবেন। প্রতিটি তত্ত্বীয় কোর্সের টার্ম ফাইনাল পরীক্ষার মূল্যায়ন অভ্যন্তরীণ পরীক্ষক হিসেবে কোর্স শিক্ষক এবং পরবর্তীতে অনুমোদিত পরীক্ষকদের প্যানেল থেকে পরীক্ষা কমিটি কর্তৃক মনোনীত পরীক্ষক দ্বারা

পৃষ্ঠা-৩/৭

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

উত্তরপত্র মূল্যায়িত হবে। নম্বরের তারতম্যের ক্ষেত্রে গড় নম্বর গৃহীত হবে। মিড-টার্ম পরীক্ষার ক্ষেত্রে সংশ্লিষ্ট কোর্স শিক্ষক পরীক্ষা কমিটির নিকট একটি প্রস্তাবিত প্রশ্নপত্র জমা দিবেন। টার্ম ফাইনালের ক্ষেত্রে ১ম ও ২য় উভয় পরীক্ষক তাদের আলাদা প্রস্তাবিত প্রশ্নপত্র পরীক্ষা কমিটির নিকট জমা দিবেন। পরীক্ষা কমিটি যাচাই-বাছাই পূর্বক প্রতিটি কোর্সের জন্য প্রশ্নপত্র চূড়ান্ত করবেন। পরীক্ষা কমিটি কর্তৃক মনোনীত ০২ (দুই) জন টেবুলেটর দ্বারা নম্বরপত্রের চূড়ান্ত বিবরণী প্রস্তুত করতে হবে। এ সকল কার্যক্রমে কঠোরভাবে গোপনীয়তা বজায় রাখতে হবে।

১০.৭ বাংলাদেশ বিশ্ববিদ্যালয় মঞ্জুরী কমিশন/ বাংলাদেশ ফার্মেসী কাউন্সিল কর্তৃক অনুমোদিত গ্রেডিং পদ্ধতি দেশের সকল বিশ্ববিদ্যালয়কে অনুসরণ করতে হবে।

## ১১.০ ক্রেডিট বা ক্রেডিট আওয়ার:

১১.১ সাধারণত এটি দ্বারা একাডেমিক কাজের একক হিসেবে সেমিস্টার ক্রেডিট বা সেমিস্টার আওয়ারকে বুঝাবে। এক ক্রেডিট সম্পন্ন করতে একটি সেমিস্টারে প্রত্যেক সপ্তাহে ক্লাসের মেয়াদ ৫০ মিনিট।

১১.২ সমতা হিসাব করতে একটি সেমিস্টারের মেয়াদকাল ১৮ সপ্তাহ। ০৫ (পাঁচ) দিন বা তার অধিক সময়ের স্বল্প মেয়াদি কোর্সের ক্লাস, ল্যাব ও প্রস্তুতিকালীন সময় সর্বমোট ৪০ ঘন্টা (৩ ক্রেডিট) স্থায়ী হবে।

## ১২.০ শিক্ষার্থী ভর্তি নীতিমালা:

১২.১ আবেদনকারীকে বাংলাদেশের স্থায়ী নাগরিক হতে হবে। কেবলমাত্র সরকার কর্তৃক বিদেশি শিক্ষার্থীদের জন্য সংরক্ষিত আসনে বিদেশি শিক্ষার্থী ভর্তির আবেদন করতে পারবে।

১২.২ বিজ্ঞান বিভাগে এসএসসি/সমমান এবং এইচএসসি/সমমানের পরীক্ষায় মোট জিপিএ ৮.০০ (১০ স্কেলে) থাকতে হবে, তবে কোনো পরীক্ষায় জিপিএ ৩.৫০ (৫ স্কেলে) এর কম হবে না। এইচএসসি/সমমানের পরীক্ষায় রসায়ন ও জীববিজ্ঞান বিষয়ে ন্যূনতম জিপিএ ৩.৫০ এবং পদার্থবিজ্ঞান ও গণিত বিষয়ে ন্যূনতম জিপিএ ৩.০০ থাকতে হবে।

১২.৩ 'A' Level এর ক্ষেত্রে Chemistry ও Biology বিষয়ে 'B' গ্রেড এবং Physics ও Mathematics বিষয়ে ন্যূনতম 'C' গ্রেড থাকতে হবে।

১২.৪ এইচএসসি/'A' Level বা সমমানের পরীক্ষায় গণিতে ৩.০০ এর কম/অকৃতকার্য/গণিত ব্যতীত শিক্ষার্থীরা ভর্তি হতে পারবে কিন্তু তাদেরকে বি. ফার্ম কারিকুলামের সাথে সামঞ্জস্যপূর্ণ ৩ ক্রেডিটের ০১ (এক) টি অতিরিক্ত গণিত কোর্স সম্পন্ন করতে হবে।

১২.৫ বাংলাদেশ ফার্মেসী কাউন্সিল কর্তৃক সময়ে সময়ে মূল্যায়নের ভিত্তিতে জিপিএ মান নির্ধারণ করা হবে।

১২.৬ বি. ফার্ম কোর্সে ভর্তির আবেদনকারীকে এইচএসসি/সমমান পরীক্ষার ফলাফল প্রকাশের বছর (খ্রিস্টাব্দ) থেকে ০৩ (তিন) বছরের মধ্যে ভর্তি প্রক্রিয়া সম্পন্ন করতে হবে।

১২.৭ বি. ফার্ম কোর্সে ভর্তি হতে বিদেশি শিক্ষার্থীর ক্ষেত্রে অবশ্যই ১২ (বারো) শিক্ষাবর্ষ সম্পন্ন করতে হবে এবং নির্ধারিত ফি প্রদানপূর্বক বাংলাদেশ ফার্মেসী কাউন্সিল থেকে সমতাকরণ সনদ নিতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

১২.৮ প্রতিযোগিতামূলক লিখিত পরীক্ষার মূল্যায়নের উপর ভিত্তি করে ভর্তি প্রক্রিয়া সম্পন্ন করতে হবে। লিখিত পরীক্ষার পাশাপাশি, অধিক মূল্যায়নের জন্য একটি মৌখিক পরীক্ষা নেওয়া যেতে পারে।

১২.৯ ১ম বর্ষ ১ম সেমিস্টারে/ ১ম শিক্ষাবর্ষে ভর্তিকৃত শিক্ষার্থীকে ভর্তির ০৩ (তিন) মাসের মধ্যে বাংলাদেশ ফার্মেসী কাউন্সিলে অনলাইনে শিক্ষার্থী তালিকাভুক্তির জন্য বিশ্ববিদ্যালয়ের মাধ্যমে প্রাক-নিবন্ধন ফিসহ আবেদন করতে হবে।

১২.১০ সার্টিফিকেটসমূহ নিরীক্ষণ:

(ক) ভর্তির পূর্বে বিশ্ববিদ্যালয় কর্তৃপক্ষ ভর্তিচ্ছু শিক্ষার্থীর এসএসসি/সমমান ও এইচএসসি/সমমান পরীক্ষার সনদ এবং নম্বরপত্র সংশ্লিষ্ট শিক্ষা বোর্ড কর্তৃক যাচাইপূর্বক সত্যায়ন করবেন।

(খ) শিক্ষার্থী প্রদত্ত কোনো তথ্য ভুল বা অসত্য প্রমাণিত হলে বিশ্ববিদ্যালয় কর্তৃপক্ষ তার ভর্তি বাতিলসহ আইন অনুযায়ী শাস্তিমূলক ব্যবস্থা গ্রহণ করবেন।

১২.১১ বিদেশি শিক্ষার্থীদের আবেদন পদ্ধতি:

বিদেশি শিক্ষার্থীদের শিক্ষা কার্যক্রম দেশি শিক্ষার্থীদের সাথে একত্রে পরিচালনার জন্য ভর্তি বিজ্ঞপ্তি পূর্বেই জারি করতে হবে। বিদেশি শিক্ষার্থীদের আবেদনপত্র, এসএসসি ও এইচএসসি বা সমমানের সনদপত্র এবং নম্বরপত্র নিজ নিজ দেশের পররাষ্ট্র মন্ত্রণালয় কর্তৃক বাংলাদেশি দূতাবাসের মাধ্যমে সত্যায়নসহ নির্দিষ্ট সময়ের মধ্যে সমতাকরণ ফিসহ বাংলাদেশ ফার্মেসী কাউন্সিলে আবেদন করতে হবে।

১২.১২ সেমিস্টার প্রতি আসন সংখ্যা:

বিশ্ববিদ্যালয়ের বিদ্যমান সুযোগ-সুবিধা অনুযায়ী বাংলাদেশ বিশ্ববিদ্যালয় মঞ্জুরী কমিশনের অনুমোদনের সাথে সামঞ্জস্য রেখে ফার্মেসি বিভাগের আসন সংখ্যা বাংলাদেশ ফার্মেসী কাউন্সিল কর্তৃক নির্ধারিত হবে। বিশ্ববিদ্যালয়ের ফার্মেসি বিভাগের অনুমোদিত আসন সংখ্যার অতিরিক্ত শিক্ষার্থী ভর্তি করা যাবে না। আসন সংখ্যা বৃদ্ধির ক্ষেত্রে অবশ্যই বাংলাদেশ ফার্মেসী কাউন্সিলের পূর্বনুমোদন গ্রহণ করতে হবে।

\*\* স্বীকৃত সমমান বলতে মাধ্যমিক ও উচ্চ মাধ্যমিক শিক্ষা বোর্ড, বাংলাদেশ মাদ্রাসা শিক্ষা বোর্ড এবং বাংলাদেশ ফার্মেসী কাউন্সিল কর্তৃক পরিচালিত ডিপ্লোমা-ইন-ফার্মেসি কোর্স কে বুঝাবে।

\*\* সমতাকরণের জন্য বাংলাদেশ কারিগরি শিক্ষা বোর্ড, উন্মুক্ত বিশ্ববিদ্যালয় ও বিদেশি শিক্ষা প্রতিষ্ঠান থেকে পাসকৃত নম্বরপত্র ও সনদপত্রের কপি এবং প্রয়োজনীয় নথিসহ নির্ধারিত ফি প্রদানপূর্বক বাংলাদেশ ফার্মেসী কাউন্সিলে আবেদন করতে হবে।

\*\* সংরক্ষিত আসন বলতে বিশ্ববিদ্যালয়ের ফার্মেসি বিভাগে বিদেশি শিক্ষার্থীদের যথাযথ অনুমোদন সাপেক্ষে বাংলাদেশ ফার্মেসী কাউন্সিল কর্তৃক পূর্বনির্ধারিত আসন সংখ্যা বুঝাবে। কোন অবস্থাতেই দেশি ও বিদেশি শিক্ষার্থীর সংখ্যা অনুমোদিত আসন সংখ্যার বেশী হবে না।

১৩.০ ফার্মেসি বিভাগের প্রয়োজনীয় অবকাঠামো:

১৩.১ শ্রেণিকক্ষ:

বিশ্ববিদ্যালয়ের ফার্মেসি বিভাগে পর্যাপ্ত শ্রেণিকক্ষ থাকা আবশ্যিক। ৫০ (পঞ্চাশ) জন শিক্ষার্থীর উপযোগী এরূপ ০৬ (ছয়) টি শ্রেণিকক্ষ নিয়ে বি. ফার্ম কোর্স চালু করতে হবে। শিক্ষার্থী সংখ্যা বৃদ্ধির সাথে সাথে

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

শ্রেণিকক্ষের সংখ্যা বাড়াতে হবে। শ্রেণিকক্ষসমূহ পরিষ্কার পরিচ্ছন্ন ও মেধা বিকাশের উপযোগী হতে হবে।  
অত্যাধুনিক প্রযুক্তিসহ মাল্টিমিডিয়া, সাউন্ড সিস্টেম ও প্রজেক্টর ব্যবস্থা থাকতে হবে।

## ১৩.২ পরীক্ষাগার সুবিধা:

ফার্মেসি বিভাগে প্রয়োজনীয় যন্ত্রপাতি, কেমিক্যাল, রিয়েজেন্ট ও জনবলসহ নিম্নোক্ত বিষয়ের পৃথক  
ল্যাবের ব্যবস্থা থাকতে হবে:

- (I) Inorganic & Physical Pharmacy Laboratory
- (II) Pharmacognosy & Phytochemistry Laboratory
- (III) Organic Pharmacy & Medicinal Chemistry Laboratory
- (IV) Pharmaceutical Analysis Laboratory
- (V) Physiology & Pharmacology Laboratory
- (VI) Pharmaceutical Microbiology Laboratory
- (VII) Pharmaceutical Technology & Cosmetology Laboratory
- (VIII) Biopharmaceutics & Pharmacokinetics Laboratory

উল্লিখিত পরীক্ষাগারে ব্যবহারিক ক্লাস সম্পনের লক্ষ্যে যথাযথ সুযোগ-সুবিধা এবং বাংলাদেশ ফার্মেসী  
কাউন্সিলের ওয়েবসাইটে প্রদত্ত যন্ত্রপাতি, কেমিক্যাল এবং রিয়েজেন্টসমূহ নিশ্চিত করতে হবে।  
পরীক্ষাগারসমূহ অবশ্যই Good Laboratory Practice (GLP) অনুসরণপূর্বক পরিচালনা করতে  
হবে।

## ১৩.৩ পরীক্ষাগারের আয়তন:

প্রতিটি পরীক্ষাগারে কমপক্ষে ২৫ (পঁচিশ) জন শিক্ষার্থী একত্রে হাতে কলমে প্রশিক্ষণ গ্রহণ করার উপযোগী  
ন্যূনতম ৫০০ (পাঁচশত) বর্গফুট আয়তন থাকতে হবে।

## ১৩.৪ যন্ত্রপাতি কক্ষ:

নিম্নোক্ত যন্ত্রাদি রক্ষণাবেক্ষণের জন্য ন্যূনতম ৫০০ (পাঁচশত) বর্গফুট আয়তন বিশিষ্ট ০১ (এক) টি আলাদা  
কক্ষ থাকতে হবেঃ

(Polarimeter, Colorimeter, Double Beam, Gas Chromatograph, UV-  
Visible Spectrophotometer, IR Spectrophotometer, HPLC, FTIR etc.)

## ১৪.০ লাইব্রেরি ও গবেষণা সুবিধা:

১৪.১ ফার্মেসি বিভাগে অনুমোদিত আসন সংখ্যা অনুযায়ী শিক্ষার্থীদের বসার উপযোগী একটি নিজস্ব সেমিনার  
লাইব্রেরি থাকতে হবে। যেখানে বই পড়া ও ধার করার সুবিধা থাকবে। ফার্মেসি বিষয়ক সাম্প্রতিক বই ও  
জার্নাল সংগ্রহের ব্যবস্থা থাকতে হবে। তাছাড়া শিক্ষার্থীদের দেশপ্রেম ও মানসিক বিকাশের জন্য অন্যান্য  
বইও থাকতে হবে।

১৪.২ ফার্মেসি বিভাগে শিক্ষক এবং শিক্ষার্থীদের গবেষণার জন্য পর্যাপ্ত সুযোগ-সুবিধা থাকতে হবে এবং ফার্মেসি  
বিভাগ থেকে নিয়মিত গবেষণাপত্র প্রকাশ করতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

## ১৫.০ এক্রিডিটেশন ও এডুকেশন কমিটির পরিদর্শন:

শিক্ষার গুণগতমান নিশ্চিতকরণে বিদ্যমান অবস্থা (বি. ফার্ম কোর্সের পাঠ্যক্রম, পূর্ণাঙ্গ শিক্ষা পদ্ধতি, প্রাতিষ্ঠানিক অবকাঠামো, শিক্ষকমন্ডলী, ল্যাবরেটরি যন্ত্রপাতি, বই-পুস্তক ও অন্যান্য বিষয়) মূল্যায়নের জন্য বাংলাদেশ ফার্মেসী কাউন্সিলের এক্রিডিটেশন ও এডুকেশন কমিটি নোটিশ প্রদান বা নোটিশ ব্যতীত যে কোনো সময় বিশ্ববিদ্যালয়ের ফার্মেসি বিভাগ/প্রতিষ্ঠান পরিদর্শন করবেন।

## ১৬.০ ক্রেডিট ট্রান্সফার:

বাংলাদেশ ফার্মেসী কাউন্সিলের পূর্বানুমোদন (নির্ধারিত ফরমে আবেদন, ফি পরিশোধ ও অন্যান্য শর্তাবলী পূরণ) সাপেক্ষে শুধুমাত্র কাউন্সিল কর্তৃক অভিস্বীকৃত (Accredited) বিশ্ববিদ্যালয়সমূহের ফার্মেসি বিভাগের বি. ফার্ম কোর্সে ক্রেডিট ট্রান্সফার করতে হবে।

## ১৭.০ নীতিমালার শর্ত ভঙ্গ:

এ নীতিমালার কোনো শর্ত ভঙ্গ করলে সংশ্লিষ্ট বিশ্ববিদ্যালয়ের ফার্মেসি বিভাগের বিরুদ্ধে বাংলাদেশ ফার্মেসী কাউন্সিলের এক্রিডিটেশন ও এডুকেশন কমিটির সুপারিশক্রমে শাস্তিমূলক ব্যবস্থা গ্রহণ করা হবে।

## ১৮.০ রহিতকরণ ও হেফাজত:

এ নীতিমালা যথাযথ কর্তৃপক্ষের অনুমোদনের পর প্রকাশের তারিখ হতে 'সরকারি/বেসরকারি বিশ্ববিদ্যালয়ে বি. ফার্ম কোর্সের অভিস্বীকৃতি (Accreditation) ও শিক্ষার্থী ভর্তির নীতিমালা-২০২৩' বাতিল বলে গণ্য হবে এবং এ নীতিমালার অনুচ্ছেদ ও উপ-অনুচ্ছেদের সাথে সামঞ্জস্যপূর্ণ হওয়া সাপেক্ষে পরবর্তী কার্যক্রম এ নীতিমালার অধীন নিষ্পত্তি হবে।

০২। ০১ জুলাই ২০২৫ তারিখ থেকে এ নীতিমালাটি কার্যকর হবে।



(মুহাম্মদ মাহবুবুল হক)

সচিব

বাংলাদেশ ফার্মেসী কাউন্সিল



(মোঃ সাইদুর রহমান)

সভাপতি

বাংলাদেশ ফার্মেসী কাউন্সিল

ও

সচিব

স্বাস্থ্য সেবা বিভাগ

স্বাস্থ্য ও পরিবার কল্যাণ মন্ত্রণালয়

গণপ্রজাতন্ত্রী বাংলাদেশ সরকার